

ना ज्यादा ना कम,  
थोड़ा रोजगार दे दे नै,  
कुणबे का गुजारा होजा,  
इसा जुगाड़ करदे नै ॥

तेरे खजाने मैं धन,  
माया की ना थोड़ सै,  
मांगू ना मैं भोत घणा,  
थोड़ी सी लोड सै,  
इक छोटा सा श्याम धणी,  
व्यापार देदे नै,  
कुणबें का गुजारा होजा,  
इसा जुगाड़ करदे नै ॥

अरबो खरबो मांगणिये मैं,  
नाम नहीं सै मेरा,  
आये गए का मान रखूं,  
बस इतना माल भतेरा,  
दे मोर छड़ी का झाड़ा,  
चमत्कार करदे नै,  
कुणबें का गुजारा होजा,  
इसा जुगाड़ करदे नै ॥

उसकी हार कदे ना होती,

जो इसका हो जावै,  
के बामण के बाणिया,  
दर पै सारे शीश झुकावै,  
राही कहै रजनीश की नईया,  
पार करदे नै,  
कुणबें का गुजारा होजा,  
इसा जुगाड़ करदे नै ॥

ना ज्यादा ना कम,  
थोड़ा रोजगार दे दे नै,  
कुणबे का गुजारा होजा,  
इसा जुगाड़ करदे नै ॥

स्वर रजनीश शर्मा ।  
प्रेषक केशव शर्मा  
8708012470

Source: <https://www.bharattemples.com/na-jyada-na-kam-thoda-rojgar-de-de-ne/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>